

wil abermahlig ansetzen / grosse *mutationes* gehen warlich jezund hin / *Interea fugit irreparabile tempus*, Auß Niederland vnd Hispanien kompt wider was Nagelnewes an / Weibs Personen haben abermal Gefahr / Sonsten ist das Wetter noch immerdar ganz vnstät / etwas mit Donner vnd Sturmwinden / ja Regengewölck vermischet / doch den 18. als Laurentij wegen der *quadratur* 04 gar fein lieblich / jedoch schon etwas Herbstwindig.

Letstes Viertel den 11. A. (21. N. Cal.) vmb 7. Uhr vnd 9. min. dar-
vber im Gegenschein Jovis / erst wider warm vnd Sommerig / 12. 13. lustig /
sonderlich auch Wettergewölck von Mittag. Jetzt den 15. verentert die Son-
ne ihr *quartir*, vnd tritt vons Königlichen Löwen thron bey dem 3. an den Sim-
mer / sonderlich aber bey einer sehr schönen / statlich gezierten / vnd mit sehr rei-
chen Heyrath Gut / von allerhand edlen Früchten / vnd dergleichen wolbegab-
ten Jungfrawen ein / vmb 3. Uhr vnd soviel minuten Nachmittag / ist anfäng-
lich lieblich vnd genugsam warm. Jedoch den 15. 16. 17. (25. 26. 27. N. C.)
etwas kühl Gewölckicht.

Aber der Neue Mond / so den 18. 42. min. nach 7. vhren gegen Abend
(abermal im 6. Hauß der Kranckheiten /) eintritt / ist wider warm vnd hitzig /
hell vnd gut genug / jedoch sehr fiebrisch / stracks Morgen / als den 19. vmb 10.
Uhr nachm. begibt sich ein Gevierdterschein 4 vnd 7 / der bringet benebenst
noch grosser Hirschwülung / abermal gefährliche Religionshandel / aller-
hand Rebellion / vnversehene ein- vnd überfall / (allda man widerumb Fried-
tractiren wird) vnd können wol grosse Geistliche Herren mit Tode abgehen.
Item / wegen Schulen auch *Academien* allerhand newerliche Sachen. Den
23. 24. fehret 7 bey der 12 / 4 aber in der Herberg zur Wag genant ein / dro-
het widerumb grosse Verwirrung vnd starck Ungewitter in der Luft / bessert
sich doch auff Bartholomei wider vmb ein zimliches / ob es gleich noch etwas
vnstät seyn mag.

Erstes Monatsviertel den 25. nur 5. min. vor 12. vhr. zu Mittag / ist wol
noch windig / kan aber doch (wie starck zu hoffen) ein guten Nachs Sommer
bringen / jedoch den 29. 30. 31. ändert sichs wider zur Kält / vnd zwar vnlusti-
gen Ungewitter.

SEPTEMBER.

Der aller Mond den 2. diß / nur 2. min vor 7. vhr. vorm. ist vnstät / von
nidergängigen Winden / ja Ungestüm / vnd wider zur Nassen *disponi-*
ret, darauff dann auch der 7 vnd 8 den 4. deutet. Ich wil aber gänz-
lich